

Transkription von Stadtbucheintrag KIL 1492f

Ort, Datierung: Kiel, 1492-??-??

Signatur: Stadtarchiv Kiel, Das Erbebuch 1411-1604, S. 134/a

Inhalt: Hinrick Token: Erbenspruch; Detleff Langemake: Erbenspruch; Detleff Brandt:
Erbenspruch; Clawes Lowe: Erbenspruch; Laurens Visck: Erbenspruch

Anno (et cetera) xcij^o /

Dath erue belegen In der vlemeszkenstrate(n) dat aldusz lange hefft / ghehoret hinrick kolleman
vn(n)d syne(n) erue(n) horeth nu quith vn(n)d vryg / hinrick Token vnnd(e) syne(n) erue(n) mydt
allem(e) rechte vryheyde(n) ¹ endeschede(n) vn(n)d to / behoringe szo dath mydt syne(n)
endeschede(n) belege(n) ysz vn(n)d Hinrick erb(enomed) / vnnd(e) syne vor var(e)n vrygest beseten
hebben de rente vintme In / dem(e) pantboke /

Dath erue belegen In der hartstrate dat aldusz lange hefft gehort alberdt / Su(m)megoth vnnd(e)
syne(n) erue(n) horet nu quith vn(n)d vrygh detleff langemake / vnnd(e) syne(n) erue(n) mydt
allem(e) rechte vryheyden endescheden vn(n)d to behoringe / szo dat mydt syne(n) endescheden
belegen ysz vnnd(e) alberdt erbenom(ed) vnnd(e) / syne vorvar(e)n vrygest beseten hebben de rente
vint me In dem(e) pantboke / ²

Dath erue belegen In der vlemeszke(n)strate(n) dat aldusz lange hefft Jaspas / wiguer andersz
ghenom(e)t wantscherer vn(n)d syne(n) erue(n) horth nu quidt vn(n)d / vrygh detleff brandt vnnd(e)
syne(n) erue(n) mydt allem(e) rechte vryheyden ende/scheden vn(n)d to behoringe szo dat mydt
syne(n) endescheden belegen ysz vn(n)d / Jaspas erbenom(ed) vnnd(e) syne vorvar(e)n vrygest beseten
hebben de rente vint / me In dem(e) pantboke / ²

Dath erue belegen In der vlemeske(n)strate(n) dat aldusz lange hefft ghehorth / hans gerliges vnnd(e)
syne(n) erue(n) horeth nu quidt vn(n)d vrygh Clawes lowe(n) / vnnd(e) syne(n) erue(n) mydt allem(e)
rechte vryheyden endescheden vn(n)d to behoringe szo / dat mydt syne(n) endescheden belegen ysz
vnnd(e) hans erbenom(ed) vnnd(e) syne vorvar(e)n / vrygest beseten hebben welk erue Clawes gekofft
hefft van den Testamentarie(n) / seliges hans ergnant(e) de rente vint me In dem(e) pantboke / ²

Dath erue belegen In der Schomakerstraten dath aldusz lange hefft gehoreth / Marquardt hoyer dat
em(e) to truer handt wasz to gescreuen van her(e) karsten / Ra(m)men horth nu quith vnnd(e)
vrygh laurens visck Luder Mynrick vnnd(e) / her(e)n Gotschalk To(n)niges Testame(n)tarie(n) seligen
her(e)n Karsten Ra(m)men baue(n) / gnant(er) mydt allem(e) rechte vryheyden vnnd(e) to behoringhe
szo dat mydt / syne(n) endescheden belegen ysz he vn(n)d Marquarde vn(n)d syne vorvar(e)n vrygest /
beseten hebben de rente vint me In dem(e) pantboke / ²

¹ *vryheyde(n)* zwischen *rechte* und *endeschede(n)* eingefügt

² Text im Original durchgestrichen